

"Niha chatohanai ne, raotojoein itarai rucuecuruha ne jaannu", nain aitiin laeneratecure La Asamblea de las Naciones Unidas canaacaanu que, cana temurau nenacauru-cocoainanacaihuri 10 janoniha disiembere ne bana, 1973 ajaanaa ne bana. Nitohanein ichacuruhane baiate aitoroatecure cana temurau nenacauru-cocoainanacaihuri itolere sacutaain escoela cuhane ereretaain beebejeuruha satiin nerelanacauru leiijiin inejeein cautelanaalane coina.

SATIIN CAA CHAURUATANE QUE NENACAAURU CACHAAURU RAL RAUHI

Nunue

Satiin, cachaauru raite ne rauhi. Nii jaun, nainihe cadae ereein nihacane jaannu, jiniiquiin, raotojoein, ita cailichanaa coauquelanaala, rauhi iriin nena j erichaache ne. Nitohanai coitucuhin neniha cachaauruna jaunte, ita cailichairiin nihane, ichaore cachaauru. Nii jaunna, neruuiha saain, itolere cachauru ne jerichaanu; itolere raotojoein ichaohin auihanein, niicha esenetai esenetaain, niicha coacui que ereerejeein, naojoaain niha cachaauru ne jerichaanu.

Saain acaauru cachaauru coroatajanemii, saain itolere gobiernooru, nabana aihanejerateein, naojoaain niha rai cachaauru ne coataa.

Caohachaaain ita coaraain, naojoaain neeuruhine leecha gobierno aina itolere caa chauruatane sacutaain nenacauru gobiernooru.

"Caohatoha naain jeriha laurilaurichuru nenacauru gobierno, caa canaacaanu aitojoan que na jaun, uain caohachaaain cachaauru coroataj anecurumii te, caoachaaain neruujueein neeuruhine.

"Caohatoha carai," naain ereeuri gobiernooru, esiahen rauhihiriin, caa aitocaaanu ne rijijiein tonoraain ichacurumiite raotojoein jianacoo nena nainecurumii, saain rai cachaauru.

Nii jaun te, caohachae saain itolere neein coitucuruha saain cachaauru ne caohachae, rauhi iriin ichacuruhane coina.

CARITIIN TE ALTUCURE LAURILAURICHURU CAJE UNACAAURU CURAANAACURU ITA TAOJIIN

Nii jaun, itolere sacutaain cachaauru relauruhinete, coitucuhin, "Naojoaain te chuisi ne cana rai rauhi," naain cotucuruhine cachaauru laurilaurichuru nenacauru. Nitohaneinte, jeraaen cuujuein nitohaniha cureein.

Articulo 1.

Ita rijicha itolere cache. Aihana jaun, ita belaaain, naojoain neeuruhine laurilaurichuru nenacauru aina itolere cachaauru.

Articulo 2.

Satiin cachauru raite ne, jericha nejeein acaauru rai rauhi, ita jelon cuhin. Nii jaun, nihei chatohanein, jichojoai, bacauha, ijaen, jorio, batirichuru, coriqui neba, cailichai cache, cocoamo, shipibo, acoarona, saain niichuru te jericha nejeein ne, acauru rai rauhi.

Articulo 3.

Aihana jaunte ne, satiin cachaauru rai rahui, raotojoein rerohecaeraelanaala, jerihane tochanein ichaoha cache ne coina.

Articulo 4.

Aihana jaun, nijiaonriha atebihaen rai cha que erena rijitiin, namute cache letoain niha cachaurune.

Articulo 5.

Jiaonriha chunei cache cunaitain, naojoain neeuruha cocoainanacaihurine.

Articulo 6.

Cha rijijiein tein ti neseu nenacauru que suujua acatein caohachaaain raare. Nii rijijiein chu joanreein nirljleln nenacauru cachaauru- nuna cocoaicha naojoain que suujua acatein caohachaaain coaraain naojoain neeuruhine cocoainanacaihuri.

Articulo 7.

Joaanreein cache, niha acaauru rai chatohanai ine, cocoainanacaihuri rai ereeuruhinete, acaauru coroatajanemii cocoainanacaihuri te aitoa caa rauhi ne riljleln neine cachaauru rai rauhi.

Articulo 8.

Rauhijiriin caa erenaa tonoraa in ichacureniha cocoainanacaihurine acaaru curaanaa rai beeuruhine cachaaaurute, rucuecuruhine acaauru aina acaauru curaanaa.

Articulo 9.

Jiaonriha, ati in joaenree in leera colane cacha mucuhin caresero cuhane tee in, naojoain neeuruha cocoainanacaihurine. Chaen chu, coa nii natane caje sitaaln, leeo cha ataneu letoauruha cocoainanacaihuri, joaenree in leera colane.

Articulo 10.

Sati in cachauru raite ne rauhi, casetecaa cocoainanacaihurine ajiiniha eree in naojoaunruha en coina. Baaso ichaa in, chatohanee in cacha basijiauhin naojoaain neeuruha cocoainanacaihurine leeo cha cocoainanacai, n ii cocoainanacai arai nihei, que rucuerateeuruhine cachaauru. Chaen chu chatohanee in cocoainanacaihuri rai chatohanee in ichaa in asijiauhin, naojoaain niha cacha ne, jericha nejee in leeo cha cocoainanacai, nii cacha arai nihei cocoainanacai que rucuerateeuruhine. Chaen nii neruujue bana, aonaa ne coina turuha cacha ne, jiaonriha sitaain, naojoaain niha cocoainanacai te neruujia nii ine aonaa in, neeuruhe in cachaauru.

Articulo 11.

Caohachaa i, rucujuelanaala cacha casetecaa in niha cocoainanacai ine. Caohachaa in coitucuhin, "Esihaen te chuhisi, baaso ichae," naa in caohachaa in coitucuera lanaala joaenree in cacha casetecaa in niha cocoainanacaine caohachaa i.

Jiaonriha jaiti cocoaerae nihane jana chatohanai ichaa cacha ne mucuhin neeuruha cocoainanacaihurine.

Articulo 12.

Sati in cachauru coaramii cocoainanacaihuri. Nabana leiiji in cacha nenajau turuhin reroecanaa coacuhin ninahuene. Aca te naojoaain, n e chu aansaainee in ne, "naa in joaenree in que eree in ita reroecanaa coacuhin naojoaain neeuruha ne, nabana cocoainanacaihuri netonai nii esenetaa in, cacha reroecanaa coacuruha ne coataa. Jiaonriha chu chaen, leiiji in cacha rai, letono quiricha raain, coaraa in naojoaunruha nejelaauru ne.

Articulo 13.

Niha rauhi, sati in cacha rai, chunijiu ichaonaa jerihana jaun ichaoha ne coina.

Chaente chu ne, sati in cachaauru rai rauhi, chunijiu atane cuhin ichaonaa jeriha ne ichaoha cuuruha ne coina. Chaen te chu ne, acauru rai rauhi, jeliha natane caunaa jerecuruha ne, caauruha ne coina.

Articulo 14.

Niha rauhi, niha reroecaera natane ne, chunijiu nejelau atane cuin raotojoe in ichaaouruha cachaauru ne jaan nu.

Jana, chatohanee in soserena nee in, asijiauto nee in, naojoaain niha cacha ne, nihei rai rauhi, nejelau atane cuhin soro ha ne coina.

Articulo 15.

Sati in cacha rai te ne rauhi, nataneu-nenacaauru laurijira niha ne baiha nejelau atane nenacaauru laurijira niha cuha cacha ne.

Niichuru jericha nejee in nataneu caoachaa in coaracuruha naraichuru ne rijijie in caoachaa in coaracurumii nejelau atane nenacaauru.

Articulo 16.

Niha rauhi, ita rijijie in ichauhena neeuruha ne, ene aina ita raain naajoaunruha cachaauru ne jaan nu. Jericha nejee in te quicha rai niha rauhi ne rijijie in, ne, enecuru rai rauhi. Coa chu chaen, chatohanee in bacauha, cocoamo, ijiaen, naajoaainejeee in ranaa jeriha joaenree in, ene, quicha, naajoaaine, coa caohateeuruha.

Aca jeria ne jana, jereniha nii ene ne jana, raa cacha ne, caohachaa i.

Ene raain niha quicha ne, coaracurumi in cocoainanacaihuri; nabana charijie inejeee in ita que nererojoecaain ita jianecuruha ne coataa.

Articulo 17.

Satiin cachauru rai te ne rauhi, rai rucuheleeuru, rai atane, naajoaaain erora neein niha ne coina.

Chaen chu, joenreein coreniha rai rucuheleeuru, rai atane, naajoaaain caje sitaanaa nainihei cache, nihei cocoainanacaihuri niha natiin.

Articulo 18.

Niha satiin cachauru rai rauhi, Cana Coaunera ere esenetaain tonorana jeriha ne, tonoraauruha jianacoo neein cha que tonajelanaala ne coina.

Articulo 19.

Niha chu chaen rauhi cachaauru rai, niicha coacui, cachauru rai beein, naajoaunruha ne coina. Nainihei nii coreniaa acauru mucuhin niha cocoainanacaihuri ne.

Articulo 20.

Niha chu chaen, cachaauru rai rauni ita taojiaain chaelai que ereereena jerecuruha ne, ichacuruha chaelai que tonajelanaalane coina.

Niha chu chaen, cachaauru rai rauhi, ita taojiaaauru aina nenea jereniha ne, cuheniha ne coina.

Articulo 21.

Niha chu chaen, cachaauru rai rauhi, necoriha cocoainanacaine jerecuruha ne, "Aca aca nemii", naain leiijin coaraain aca jeriha cachaauru ne aca cocoainanacainein neme.

Niha cachaauru rai rauhi, "Aca aca nemii," naain ereeuruha saain cachaauru ne coina.

[Missing?]

Articulo 22.

Niha satiin cachaauru rai rauhi, reroecaerae lanaala, raotojoeen neeuruha cachaauru ne coina. Niha acauru reroecaera ne, acauru coroatajaneine acauru gobierno.

Articulo 23.

Niha chu rauhi amihaniha cachaauru ne coina. Niicha rautaa amihanenaa coaraain que amihaneeeuruha cachaauru ne coina. Niicha rautaa amihanenaa coaraain que amihaneeeuruha cachaauru ne coma.

Chaen chu, ita rijijiein amiania cache ne, ita rijijieein core raauruha ne te, caohachae.

Raujiaain caohachajeein canaauruhine amihanenacaaaurute, raotojoeen sinij iera aina jiniiquiin, bereecuru aina raotojoeen ichaauruhine chacaauru.

Niha chu cachaauru rai rauhi, niha chatohanai, ne, ita taojiaain jiniiquiin fatoroon aina rucuecuruha ne coina.

Articulo 24.

Niha chu rauhi, le janonaa cuhane nesuruhin basiiijin nebetacaaain naajoaaain neeuruha cachaauru en jaan nu. Niha chu cachaauru rai rauhi carajaain amihaneeeuruha ne, acauru rai nebetacanaa tiha fatoroon core aina ne coina.

Articulo 25.

Niha chu chaen rauhi, biinaa, camotojoe, canaanaihuru, cunaitenacaauru, naajoaihunri coroatajaniha gobierno ne coina. Nabana escoela que lanaain, nabana itolere que lanaain neeuruha itolere cachaauru ne coataa.

Chaen chu, leeochoauru coroatajaniha ne amuritoheriin, jelai neein canaanai siirichaauru enecuru coroatajaneine, nii beree aina curuaecaain gobierno. Chaen chu ujuateje rijijiein, nenacaauru canaanaihuru coroatajaneine gobierno.

Articulo 26.

Niha satiin cachaauru rai rauhi, core colane nirijiein nerelaain naajoaaain, quiricha inain naajoaaain niha cache ne coina.

Chaen escoela cuhane nerelaauruhine itolere que, raotojoeen j iniiquiin, ichaonaa nijianai que, nerelaauruhine te, joenreein bacauha aina nia natiin, raotojoeen ichaauruhine.

Niha rauhi, bereecuru rai, niicha rautai escoela coaraain, cuu bereecuru teein naaojoaain niha inacaauru ne jaan nu.

Articulo 27.

Niha chu chaen, cachauru rai rauhi, niha besta ne, niha chatohanaine, ita taojiaain, naaojoaain neeuruha cachauru ne, cunaa jerei cuhin, naaojoaan ne coina.

Niha rauhi, cachaauru rai, chatohanai niicha coitucui ichaain que necoreteein core raa cachaauru ne coma.

Articulo 28.

Satiin cachaauru rai te ne rauhi, esihaen rauijiriin caa rauhi cuhane aitoha ne rijijiein.

Articulo 29.

Chaen chu, ita coroatajaneeuruhine cachaauru, ita acatiha tacaain.

Nihei, chunei cache rai rauhi, leeocho cache rai rauhi que nererojoecaain niha cache ne jaan nu.

Chaen chu, nainihei caa icharaauru aina nererojoecaain niha cachaauru ne jaan nu.

Articulo 30.

Nainihei chu, chunei gobierno, atane curuanaa, naaojoaain niha natiin, caa rauhi ichara nichaanu ne aina nererojoecaain neeuruha ne jaan nu.